

ЭРДЭНЭЦАГААН СУМ

2021 ОНЫ 5 ДУГААР САРЫН МЭДЭЭ

Хууль эрх зүй удирдлага зохион байгуулалтын хүрээнд: Хаврын цэрэг халагдалтын хүрээнд халагдсан цэргээ татаж авлаа. Ерөнхийлөгчийн сонгуулийн ажлын бэлтгэл ажлын хүрээнд сумын сонгуулын хороо болон хэсгийн хороодыг байгуулан нийт 77 албан хаагчид томилогдон бэлтгэл ажлаа хангаж байна. Ардын хувьсгалын 100 жилийн ойн баяр наадмын комиссыг томилон баталгаажууллаа. Сумын хэмжээнд вакцинжуулалтын хамрагдалт 92% тай байна.

Халдварт өвчинөөс урьдчилан сэргийлэх бүх талын арга хэмжээг авч ажиллаж холбогдох мэдээ мэдээллийг цаг хугацаанд нь өгч ажиллаж байна.

Төрийн санд нийт **211** гүйлгээ хийж төрийн сангаас нийт **564,833,468.5** төгрөгний гүйлгээ гарсан.

Шилэн данс хөтлөлтөнд нийт 88 мэдээлэл оруулахаас 84 мэдээлэл оруулж 4 мэдээлэл хугацаа хоцорсоноор орсон.

Татвар, Нийгмийн даатгалын хүрээнд: Суурь тойрч багт ажиллах бүлгийг Нийгмийн даатгал, Татварыг байцаагч, Эмч, Багийн Засаг Дарга, байгаль хамгаалагч нарыг оролцуулан томилж хөдөөгийн 3 багийн 255 айл өрхөөр орж цаг үеийн ажлын талаар мэдээлэл хийж, Нийгмийн даатгалын шинэчлэгдсэн хууль, малчны тэтгэврийг сурталчилах, Сайн дурын хамрагдалтыг нэмэгдүүлэх, Малын хөлийн татварыг сурталчлах, орлого төвлөрүүлэх, гал түймрээс урьдчилан сэргийлэх, байгаль хамгаалах, иргэдийн эрүүл мэндэд үзлэг хийх чиглэлээр ажиллууллаа.

Малчнаар тэтгэвэрт гарах 1 иргэний материалыг хүлээн авч Малчны зөвлөлийн хурлаар оруулан дэмжигдэж дээд газарт хүргүүлсэн. Мөн гар утасны апплекшин 12 иргэнд суулгаж ажилласан.

Нийгмийн хамгааллын хүрээнд: Хямралыг урьдчилан харж, бэлтгэлтэйгээр даван туулья-ХАБЭА-н тогтолцоог бэхжүүлбэ уриан дор “Хөдөлмөрийн аюулгүй байдал-Эрүүл ахуй сарын аян-2021” аяныг иргэдэд цахимаар 14 хоног мэдээ мэдээлэл өгч ажилласан нт аймагт 1 дүгээр байранд орж шагнуулсан байна.

Засгийн газрын 2017 оны 18 дугаар тогтоол “Хүүхдийн мөнгөн тэтгэмж олгох журам”-ын хэрэгжилтийг талаарх судалгааг бүх багуудаас авч явуулав.

Сумын Залуучуудын хөгжлийн дэмжих салбар зөвлөлийг шинэчлэн 13 хүний бүрэлдэхүүнтэй байгуулав.

Байгаль хамгаалалын хүрээнд: Багийн засаг дарга нартай хамтарч түймэр гарах эрсдэлтэй саруудад ард иргэдийг сонор сэрэмжтэй байлгах үүднээс хээрийн түймрээс урьдчилан сэргийлэх заавар зөвлөгөөтэй гарын авлага тарааж, гарын үсгийн баталгаа авч ажилласан. Нийт 480 ширхэг гарын авлага тарааж, 480 өрхөөс гарын үсгийн баталгаа авч ажилласан байна.

Уул уурхайн чиглэлээр: Уул уурхайн тээвэрлэлт хийж байгаа машинууд зам эвдэж, тоосжилт ихээр бий болж хүн малын эрүүл мэндэд сөргөөр нөлөөлж байна гэсэн гомдлын дагуу 1-р багийн засаг дарга Ё.Самдан тус багийн иргэдийн хамт ажлын хэсэг ажиллаж тээвэрлэлт хийж буй машинуудыг зургаар баталгаажуулж тус тусын ААН-д нь албан тоот хүргүүлж ажилаад байна.

Хог хаягдал агаар бохирдуулагчийн чиглэлээр: Сумын төвийн бүх айл өрхийг сумын онцгой комиссын 39 гишүүнд хувааж өгч айл өрхүүдийг болон албан байгууллагуудыг эргэн тойрныг нь цэвэрлүүлж ажилласан. Сумын нэгдсэн хогийн цэгийг цэгцлэх ажлыг хийж гүйцэтгэсэн байна. Нийт 8 га талбай бүхий газар тархаад байсан хогийг ковушаар түрж цэгцэлж 350 тонн хогийг булшилсан байна. Тус ажлыг хийж гүйцэтгэхэд нийт 4,5 сая төгрөгний зардал гарсан байна. Мөн сумын бүх нийтийн их цэвэрлэгээг зохион байгуулж төрийг болон төсвийн 10 байгууллагын 290, аж ахуй нэгж, дэлгүүр хоршоодын 20 бүгд 310 хүний бүрэлдэхүүнтэй ажилласан.

Мод, ногоон байгууламжын чиглэлээр: Ерөнхийлөгчийн 63-р зарлигын дагуу бүх нийтээрээ мод тарих ажлын хүрээнд 1 га талбай бүхий газар урьдчилсан байдлаар 1280 ширхэг мод тарьж бүрэн хашаа татаж хамгаалж ажиллаа. Гэрээний ажилтан авч арчилж хамгаалуулахаар ажиллуулж байна.

Мал эмнэлгийн үйлчилгээ: Галзуу өвчин гарсан тухайн хот айлын голомтоос гадагш эргэн тойронд 10 км-ийн радиустай нутаг дэвсгэрт 14 хоногийн хугацаатай сумын засаг даргын 2021 оны 05 сарын 05-ны өдрийн А/93 тоотын дагуу хязгаарлалтын дэглэм тогтоон, 2021 оны 05 сарын 18-ны өдррийн А/109 тоот захирамжаар хязгаарлалтыг цуцлан тухайн өрхөд ариутгал халдваргүйтгэлийг хийж ажилласан.

Үлдсэн дуудлага ихэвчлэн халдваргүй өвчин /үхэрт эрдсийн дутагдал, хээл хаялт, дэлэнгийн үрэвсэл / өвчнүүд зонхилон тохиолдож байна.

Сумын хэмжээнд үхэр нилээдгүй эрдэс бодисын дутагдал, яс сөнөрөх өвчин нэмэгдэх хандлагатай байна. Хөдөө багуудын малчид ард иргэдэд багийн МЭҮН-н малын эмчээр мэдээллийг хүргүүлэн устгалыг хийж гүйцэтгэж байна. Сэг зэмийн устгал нийт 534 малд хийгдээд 46,3%-тай явагдаж байна.

Хүнсний дэлгүүрт малын эм худалдаалж байна гэсний дагуу Тухайн дэлгүүрт очиж эм худалдаалж болохгүйг мэдэгдэж ажилласан. Мөн Төв аймгийн Архуст сумаас – Эрдэнэцагаан сумын нутаг дэвсгэрт орж ирж байгаа 32 адуу Сүхбаатар аймагт саатуулан хяналт тавин ажилласан.

Соёлын хүрээнд: Дэлхийн номын өдрийг угтуулан Соёлын төвийн дэргэдэх Гүндсамбуугийн нэрэмжит нийтийн номын сангаас -Монголын нууц товчоог хэн

сайн мэдэх вэ? Тэмдэглэл хөтлөх уралдаан, “Монгол бичиг мину” цэвэр бичигтэн шалгаруулах, Монгол бичиг зурагт хуудас г.м олон олон уралдаануудыг зохион байгууллаа. Хүүхэд багачуудад ББӨ-ийн аман уламжлалын төрлүүдийг сурталчилан түгээн дэлгэрүүлэх, таниулах зорилгоор Дэлхийн музейн өдөр, эх үрсийн баярыг тохиолдуулан “Би ерөөлч хүүхэд” цахим уралдааныг зохион байгуулаад байна. Тэмцээнд 9 хүүхэд бүтээлээ ирүүлэн цахим орчинд байрлуулсан.

Соёлын өв, бүртгэл мэдээллийн сан, Соёлын үйлдвэрлэлийн чиглэлээр онлайн сургалтанд 2 удаа хамрагдаж, Угсаатны зүйн музейгээс зохион явуулсан “Домог хууч яриаг хэн сайн мэдэх вэ?” цахим бичлэгийн уралдаанд 1-р багийн өндөр настан А. Буд гуайн бичлэгийг явуулан цахим орчинд байршууллаа.

4-р багийн нутаг хонгор гэдэг газраас ясан олдвор 5-р сарын 8-нд олдсон. Үүнийг судлахаар ажлын хэсэг очиж ажилласан. Ясан олдворуудыг сумын цагдаагийн газарт хүлээлгэн өгч Холбогдох дээд газруудад мэдээ мэдээллийг өгч заавар зөвлөгөөг авч ажилласан. Энэ сард номын сангаар **12** хүн үйлчлүүлж, гэрээг 7 ширхэг ном олгон ажиллалаа.

Хүүхдийн 2-р цэцэрлэг: Хорио цээрийн дэглэмтэй хугацаанд суралцагчдад цахим сургалтын үйл ажиллагааг явуулж, хүүхэд багачуудад зориулсан зөвлөгөө зөвлөмж, цахим гэрийн даалгавруудыг хүргэж ажилласан. Мөн багш нар хичээлийн хэрэглэгдэхүүн 50 ширхэг, тараах материалуудыг 150 ширхгийг хийсэн байна.

Бэлтгэл бүлгийн хүүхдүүдэд сургуульд бэлтгэх байдлыг хангахад зориулан гарын авлагыг нийт 50 хүүхдэд 2 удаа тарааж өгч үр дүнг тооцон ажиллаа.

Бүлгийн багш нар ирэх хичээлийн жилд мөрдөгдөх хичээлийн агуулгыг шинэчлэн боловсрууллаа. Дээд газраас зохион байгуулагдсан цахим сургалтуудад давхардсан тоогоор 120 багш ажилтан хамрагдсан байна.

Газар тариалангийн ажил: Цэцэрлэгийн хашаанд улиас мод 100 ширхэг, агч мод 50 ширхэг, чацарганы мод 150 ширхэг, хайлаас 150 ширхгийг тарьж ургуулж байна. Хүүхдийг эрүүл хүнсээр хангах зорилгоор байгууллагын хашаанд 0,3 га талбайд төмс хүнсний ногоо, 4х6 харьцаатай хүлэмж байгуулан 10 төрлийн нарийн ногоог тарьж ургуулж байна.

ЕБС: Дэлхийн том хичээл “Тогтвортой хөгжлийн боловсрол” үндэсний хэлэлцүүлгийн хүрээнд зарлагдсан хичээл төлөвлөлтийн уралдаанд 400 гаруй хичээл өрсөлдсөнөөс 7 хичээл шилдэгээр шалгарч манай сургуулийн бага ангийн заах аргын нэгдлийн багш нарын “Хоггүй аялцаа” сэдэвт хичээлийн төлөвлөлт шилдэг 7-д багтаж тогтвортой хөгжлийн боловсролын хичээлийн санд бүртгүүлж үндэсний хэмжээнд түгээн дэлгэрүүлэхээр болсон.

ГБЗХГ, БСУГ-аас хамтран зохион байгуулсан Хүүхэд хамгааллын чиглэлээр анги удирдсан багш нарт зориулсан цахим сургалтанд 41 бүлгийн анги удирдсан багш болон сургуулийн нийгмийн ажилтан, дотуур байрын багш нар хамрагдсан.

Мэргэжлийн хяналтын газраас зохион байгуулсан “Хөл хорио- хөгжих боломж” аяны хүрээнд “Төрийн албан хаагчийн ёс зүй харилцаа хандлага, цаашид анхаарах асуудлууд”, “Угийн бичгийн учир холбогдол” сэдвүүдээр зохион байгуулсан цахим сургалтанд бүх багш нар хамрагдсан.

Тогтвортой хөгжлийн боловсролын төлөөх хамтын санаачилга, түншлэл нэгдсэн арга хэмжээ, Дэлхийн том хичээл ТХБ салбар хэлэлцүүлэгт бүх багш нар хамрагдсан. Мөн их нүүдэл системийн цахим сургалтанд хамрагдсан.

Мод тарих үндэсний өдрөөр нийтийн эзэмшил газарт байгууллагын багш ажилчид 250 ширхэг мод тарьсан.

Жил бүр уламжлал болгон зохион байгуулдаг “Сайхан бичигтэн -2021” цахим уралдаанд амжилттай оролцож эхний 3 байр эзэлсэн Титэм арт академийн харъяа Аригүн каллиграфиас санаачилсан АЗДТГ, БСУГ-аас хамтран зохион байгуулсан “Жаахан шаргын нутаг” монгол бичгийн хичээнгүй бичгийн уралдаанд Монгол хэл бичгийн багш М.Мөнхнарангийн удирдсан баг /багш нар/ 3-р байр, таталган бичлэгийн төрөлд М.Мөнхнаран багш 3-р байр эзэллээ.

Covid--ын эсрэг вакцин 2-р тунд багш ажилчид хамрагдсан.

Хүүхдийн өөрөө удирдлагын болон хөгжил оролцооны байгууллагуудын “Оролцоод хөгжье” цахим чуулганд 5 сурагч сургуулиа төлөөлөн сурагчдынхаа дуу хоолой болон оролцсон.

ХАА: Мал төллөлт 84%-тай байна. Тамгын газрын төмс хүнсний ногоог 1-га талбайд тариалсан. Үрийн төмсийг захиалан авчирч иргэд байгууллагад өгсөн. Урьдчилсан байдлаар төсвийн 4 байгууллага, 1 ААН, 5 өрх, бүгд 5 га-д төмс, 2 на-д хүнсний ногооны тариалалт хийгээд байна.

Хууль эрх зүй дотоод хэрэг хариуцсан:

мэргэжилтэн Б.Энхтуяа.